

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst (“Službene novine Zeničko-dobojskog kantona”, broj: 7/10 i 3/23), na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 75. sjednici, održanoj dana 04.04.2025. godine, d o n o s i

ZAKLJUČAK

I.

Daje se saglasnost premijeru Zeničko-dobojskog kantona da potpiše akt kojim se osporava zakonitost rješenja Vlade Federacije Bosne i Hercegovine donesenog na 50. sjednici održanoj dana 13.03.2025. godine o imenovanju privremenog Upravnog odbora Federalnog zavoda za penzijsko invalidsko osiguranje, koji je u prilogu ovog zaključka.

II.

Zaključak stupa na snagu danom donošenja.

Broj: 02-_____/25

Datum, 04.04.2025. godine

Zenica

PREMIJER

Nezir Pivić

DOSTAVLJENO:

1x Ured premijera Zeničko-dobojskog kantona,

1x Vlada Federacije BiH, n/r premijera, putem Ministarstva,

1x Ministarstvo za rad, socijalnu politiku i izbjeglice,

1x a/a.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
URED PREMIJERA**

**BOSNA I HERCEGOVINA
FEDERACIJA BOSNE I HERCEGOVINE
VLADA
n/r Premijera
Ul. Hamdije Čemerlića broj 2
71000 SARAJEVO**

Broj: 02-_____/25
Zenica, __.__.2025. godine

PREDMET: Obavještenje, dostavlja se

Vlada Zeničko-dobojskog kantona je na osnovu zvaničnih informacija objavljenih na web stranici Vlade Federacije BiH upoznata sa činjenicom da je Vlada Federacije BiH na 50. sjednici održanoj dana 13.03.2025. godine donijela rješenje kojim imenuje privremeni Upravni odbor Federalnog zavoda za penzijsko invalidsko osiguranje, a da je prethodno doneseno rješenje o razrješenju dužnosti predsjedavajućeg i članova Upravnog odbora tog zavoda zbog isteka mandata.

Vezano za naprijed navedeno, a naročito na činjenicu da su u privremeni Upravni odbor Federalnog zavoda za penzijsko invalidsko osiguranje imenovani članovi bez nominiranja člana sa područja Zeničko-dobojskog kantona, zvaničnim aktom Vlade ovog kantona, čime je prekršena zakonom utvrđena procedura za imenovanje u Upravni odbor ovog zavoda, Vlada Zeničko-dobojskog kantona se očituje ovim aktom i ističemo sljedeće:

1. Aktom Federalnog ministarstva rada i socijalne politike, broj: 07-02/5-1832/23 BG od 13.10.2023. godine traženo je od vlada kantona, pa između ostalog i Vlade Zeničko-dobojskog kantona da provedu proceduru izbora kandidata na pozicije članova Upravnog odbora Federalnog zavoda za penzijsko i invalidsko osiguranje. U predmetnom aktu je naznačeno da je Vlada Federacije BiH, kao „odgovorni javni službenik“ u skladu sa Zakonom o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj: 12/03, 34/03 i 65/13), na 15. sjednici odražanoj 28.09.2023. godine donijela Odluku o kriterijima za izbor i imenovanje članova Upravnog odbora Federalnog zavoda PIO/MIO V. broj: 1399/23 od 28.09.2023. godine i istu dostavili u prilogu citiranog akata.
2. Uvidom u naprijed citiranu Odluku Vlade Federacije BiH, utvrđeno je da je kao jedan od posebnih uslova za imenovanje pod alinejom petom propisano:“- da nije u prethodna dva

mandata uzastopno bio imenovan u Upravni odbor Federalnog zavoda za penzijsko i invalidsko osiguranje.“

3. Odredbom člana 5. Zakona o organizaciji penzijskog i invalidskog osiguranja Federacije BiH („Službene novine Federacije BiH“, broj: 49/00, 32/01 i 18/05) uređena je struktura Upravnog odbora, dok su stavom (3) propisani posebni uslovi koje predsjedavajući i članovi Upravnog odbora moraju ispunjavati da bi bili imenovani, a stavom (4) propisan je mandat predsjedavajućeg i članova, te da se isti može obnoviti.

Budući da je zakonska odredba koja propisuje strukturu predmetnog Upravnog odbora, uslove za imenovanje i mandat jasna, te da jedan od posebnih uslova iz Odluke Vlade Federacije BiH V. broj: 1399/23 od 28.09.2023. godine, propisan u tački III. alineja peta nije u skladu sa zakonskom odredbom koja upravo uređuje predmetno pitanje, Vlada Zeničko-dobojskog kantona nije mogla preuzeti odgovornost za pokretanje postupka nominiranja kako je to traženo, iz naprijed navedenog razloga, a što potkrepljujemo i sljedećim činjenicama:

- a) **Institucija ombudsmena za ljudska prava BiH** je povodom prigovora jednog od kandidata u postupku izjavljenog protiv Zaključka Vlade Zeničko-dobojskog kantona broj: 02-02-16303/22 od 03.11.2022. godine kojim je također bio nominiran kandidat u Upravni odbor Federalnog zavoda za penzijsko i invalidsko osiguranje sa područja Zeničko-dobojskog kantona, a koji je svoj prigovor upravo zasnivao na tumačenju odredbe člana 5. stav (4) Zakona o organizaciji penzijskog i invalidskog osiguranja Federacije BiH, na način da se obnova mandata ograničava na dva mandata, **donijela Nalaz i zaključak broj: Ž-SA-05-49/23 od 19.01.2023. godine kojim izričito odbacuje kao neosnovane navode podnosioca prigovora i daje uputu da je zakonodavac jasno propisao da se mandat može obnoviti i to bez ograničenja u smislu broja obnova mandata.**
- b) Slijedom naprijed citiranog Nalaza i zaključka Institucije ombudsmena za ljudska prava BiH, **aktom Federalnog ministarstva rada i socijalne politike, broj: 07-02/5-2055/22 BG od 24.02.2023. godine** sve vlade kantona su, obaviještene o takvom stavu ombudsmena u pogledu tumačenja sporne odredbe o obnovi mandata, sa jasnom uputom da se citirani akt tog ministarstva dostavlja **radi znanja odnosno radi otklanjanja eventualnih nedoumica u postupanju.**
- c) Također, aktom Ureda za zakonodavstvo i usklađenost sa propisima Europske unije Vlade Federacije BiH, broj: 02-02/3-31-151/23 od 16.02.2023. godine utvrđen je stav tog organa da u pogledu tumačenja odredbe člana 5. stav (4) Zakona o organizaciji penzijskog i invalidskog osiguranja Federacije BiH, **da nema smetnji da se mandat predsjedavajućeg i članova Upravnog odbora Federalnog zavoda za penzijsko i invalidsko osiguranje, može obnoviti više puta (dva, tri ili više), iz razloga što citiranom odredbom Zakona niti bilo kojom drugom istog nije utvrđeno koliko puta se mandat može obnoviti.** Također ističu da je Ured stava da je intencija zakonodavca bila da ograniči broj mandata, onda bi se u tom slučaju to moralo jasno i precizno definisati.

Slijedom svega naprijed iznesenog, Vlada Zeničko-dobojskog kantona se očituje da nije mogla preuzeti odgovornost za pokretanje i provođenje postupka nominiranja kandidata za člana Upravnog odbora Federalnog zavoda za penzijsko i invalidsko osiguranje, na osnovu Odluke Vlade Federacije BiH V. broj: 1399/23 od 28.09.2023. godine, budući da je nesporno da posebni uslov propisan u tački III. alineja peta nije u skladu sa zakonom propisanim uslovom u pogledu obnove mandat.

Stoga ovim aktom, ukazujemo na nastavak postupanja suprotnog zakonu, u konkretnom postupku imenovanja u privremeni Upravni odbor ove institucije, budući da je odredbom člana 5. stav (2) Zakona o organizaciji penzijskog i invalidskog osiguranja Federacije BiH („Službene

novine Federacije BiH“, broj: 49/00, 32/01 i 18/05) jasno propisano da se Upravni odbor sastoji od jedanaest članova koje imenuje Vlada Federacije Bosne i Hercegovine, od toga, deset članova se imenuje na prijedlog vlada kantona, a jedan član na prijedlog Udruženja penzionera u Federaciji Bosne i Hercegovine.

Imajući u vidu sve naprijed navedeno i nesporno utvrđeno postupanje suprotno naprijed citiranoj odredbi zakona u postupku imenovanja privremenih članova Upravnog odbora Federalnog zavoda za penzijsko invalidsko osiguranje, ovim putem pozivamo Vladu Federacije BiH da donese Rješenje o stavljanju van snage Rješenja Vlada Federacije kojim imenuje privremeni Upravni odbor Federalnog zavoda za penzijsko invalidsko osiguranje BiH doneseno na 50. sjednici održanoj dana 13.03.2025. godine kao, kao i da stavi van snage Odluku o kriterijima za izbor i imenovanje članova Upravnog odbora Federalnog zavoda PIO/MIO V. broj: 1399/23 od 28.09.2023. godine donijetu na 15. sjednici održanoj 28.09.2023. godine, iz svih naprijed navedenih razloga na osnovu kojih je nesporno da je donošenjem ovih akata postupljeno suprotno odredbi člana 5. Zakona o organizaciji penzijskog i invalidskog osiguranja Federacije BiH („Službene novine Federacije BiH“, broj: 49/00, 32/01 i 18/05), te provede proceduru imenovanja Upravnog odbora na zakonit način i u procedurama propisanim zakonom.

S poštovanjem,

Prilog:

1x Nalaz i zaključak Institucije ombudsmena za ljudska prava BiH,
broj: Ž-SA-05-49/23 od 19.01.2023. godine
1x Akt Federalnog ministarstva rada i socijalne politike,
broj: 07-02/5-2055/22 BG od 24.02.2023. godine

Dostavljeno:

1x Naslov
1x a/a

P R E M I J E R

Nezir Pivić